

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo unutrašnjih poslova  
Uprava policije



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство унутрашњих послова  
Управа полиције

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs  
Police department

**INFORMACIJA O AKTIVNOSTIMA UPRAVE POLICIJE  
MINISTARSTVA UNUTRAŠNJIH POSLOVA KANTONA SARAJEVO  
ZA MAJ 2023. GODINE**

# 1. KRIMINALITET

## 1.1. STATISTIČKI POKAZATELJI

U maju 2023. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 312 događaja s obilježjem krivičnog djela (što je 37 ili 13,5% više u odnosu na uporedni period).

Od ukupnog broja registrovanih događaja s obilježjem krivičnog djela, njih 151 ili 48,4% je evidentirano po poznatom, a 161 ili 51,6% po nepoznatom izvršiocu. Naknadno je rasvijetljeno 65 događaja s obilježjem krivičnog djela evidentiranih po nepoznatom izvršiocu ili 40,4% (što je za 14,5% više u odnosu na uporedni mjesec) od čega su 23 događaja prijavljena u mjesecu maju, a 42 u ranijem periodu.

U izvještajnom mjesecu, Uprava policije MUP Kantona Sarajevo je nadležnom tužilaštvu prosljedila na odluku, putem administrativnog djelovodnika, ukupno 126 obavijesti (43 manje) o događajima u kojima je pričinjena neznatna materijalna šteta<sup>1</sup>.

OSNOVNI STATISTIČKI POKAZATELJI O DOGAĐAJIMA S OBILJEŽJEM KRIVIČNOG DJELA  
U MAJU 2023/22. GODINE

mjesec	Broj događaja s obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>MAJ 2023. GODINE</b>	<b>312</b>	<b>151</b>	<b>161</b>	<b>65</b>	<b>42</b>	<b>179</b>	<b>2</b>	<b>97</b>	<b>61</b>
MAJ 2022. GODINE	275	136	139	36	28	160	5	105	58
<i>uporedba</i>	37	15	22	29	14	19	-3	-8	3
	13,5%	11%	15,8%	80,6%	50%	11,9%	-60%	-7,6%	5,2%

Nadležnom tužilaštvu podneseni su službeni izvještaji protiv 179 lica (19 više), od kojih je 97 povratnika u vršenju krivičnih djela - osam manje (ili 54,2% od ukupnog broja prijavljenih), dva maloljetnika (tri manje), a 61 lice je lišeno slobode (tri više).

Za događaje s obilježjem krivičnog djela, koji su evidentirani u maju 2023. godine, prema izjavama oštećenih, nastupila je materijalna šteta u ukupnom iznosu od 324.814,15 KM (u maju 2022. godine materijalna šteta iznosila je 848.081,63 KM i 19.650 €).

<sup>1</sup> Događaj s obilježjem krivičnog djela (krivični ili kriminalni događaji) koji se u skladu s odlukom nadležnog tužioca može transformisati u krivično djelo ili u prekršaj ili u neskrivljeni društveno opasan događaj.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU MAJU 2023./22. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a**

KZ FBiH-a i KZ BiH-a	MAJ 2023. GODINE	MAJ 2022. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv života i tijela	15	15	0	isto	12	3	1	33,3%
Protiv slobode i prava čovjeka i građanina	12	22	-10	-45,5%	8	4	1	25%
Protiv spolne slobode i morala	2	3	-1	-33,3%	2	0	0	---
Protiv braka, porodice i mladeži	22	18	4	22,2%	22	0	0	---
Protiv zdravlja ljudi	24	20	4	20%	24	0	0	---
Protiv privrede, poslovanja i sigurnosti plat.	3	0	3	---	3	0	0	---
Protiv imovine	174	162	12	7,4%	31	143	57	39,9%
Protiv opće sigurnosti ljudi i imovine	9	8	1	12,5%	2	7	5	71,4%
Protiv sigurnosti javnog prometa	11	10	1	10%	11	0	0	---
Protiv pravosuđa	3	4	-1	-25%	3	0	0	---
Protiv javnog reda i pravnog prometa	13	6	7	116,7%	9	4	1	25%
Protiv podmićivanja i krivična djela protiv službene i druge odgovorne funkcije	22	3	19	633,3%	22	0	0	---
Dogovor, pripemanje, udruživanje i organizirani kriminal (KZBiH)	1	0	1	---	1	0	0	---
ZONDINOIM-a - Zakon o nabavljanju, držanju i nošenju oružja i municije (Sl.novine KS br.01/18)	1	4	-3	-75%	1	0	0	---
UKUPNO	312	275	37	13,5%	151	161	65	40,4%

U odnosu na isti mjesec prethodne godine, zabilježeno je povećanje broja registrovanih događaja s obilježjem krivičnog djela za 37 ili 13,5%. Povećanja su zabilježena u oblastima: protiv podmićivanja i protiv službene i druge odgovorne funkcije (za 19), imovine (za 12), javnog reda i pravnog prometa (za sedam), dok je smanjen broj evidentiranih događaja u oblastima: protiv slobode i prava čovjeka i građanina (za deset), ZONDINOM (za tri), spolne slobode i morala (za jedan) i pravosuđa (za jedan događaj).

## 1.2. PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

### 1.2.1. PROTIV ŽIVOTA I TIJELA

Tokom maja 2023. godine evidentirano je 15 događaja s obilježjem krivičnog djela iz oblasti protiv života i tijela (isto kao u uporednom periodu) i to 12 po poznatom i tri po nepoznatom izvršiocu. Evidentirano je:

- ubistvo u pokušaju (član 166. u vezi člana 28. KZ FBiH-a) – jedan,
- teška tjelesna ozljeda (član 172. KZ FBiH) – šest i
- laka tjelesna ozljeda (član 173. KZ FBiH) – osam događaja.

Nadležnom tužilaštvu podneseni su službeni izvještaji protiv 15 lica, od kojih je sedam povratnika ili 46,7%, a četiri su lišena slobode.

### 1.2.2. PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 12 događaja s obilježjem krivičnog djela (deset manje) i to: ugrožavanje sigurnosti – deset, povreda ravnopravnosti čovjeka i građanina i neovlašteno optičko snimanje – po jedan događaj. Evidentirano je devet lica, od kojih su četiri povratnika (ili 44,4%), a jedno je lišeno slobode.

### 1.2.3. PROTIV BRAKA, PORODICE I MLADEŽI

Iz oblasti protiv braka, porodice i mladeži evidentirana su 22 događaja s obilježjem krivičnog djela (četiri više) i to: nasilje u porodici – 21 i oduzimanje djeteta ili maloljetnika – jedan događaj, za čije izvršenje su prijavljena 23 lica, od kojih je 11 povratnika (ili 47,8%), a 11 lica je lišeno slobode.

### 1.2.4. PROTIV ZDRAVLJA LJUDI

Evidentirana su 24 događaja s obilježjem krivičnog djela iz oblasti protiv zdravlja ljudi (četiri više) i to:

- neovlaštena proizvodnja i stavljanje u promet opojnih droga (čl. 238. KZ FBiH) – tri i
- posjedovanje i omogućavanje uživanja opojnih droga (čl. 239. KZ FBiH) – 20,
- teška krivična djela protiv zdravlja ljudi - jedan događaja.

Nadležnom tužilaštvu podneseni su službeni izvještaji protiv 22 lica, među kojima je 16 povratnika (ili 72,7%), a 12 lica je lišeno slobode.

*Policijski službenici Uprave policije MUP-a Kantona Sarajevo su u maju ove godine Kantonalnom tužilaštvu Sarajevo podnijeli službene izvještaje protiv lica Š.N. (1983), P.E. (1997) i O.A. (1991) zbog postojanja osnova sumnje da su u proteklom periodu u više navrata kupovali opojnu drogu „Marihuana“, "Amfetamin" od za sada nepoznatih lica, istu prepakivali, a zatim vršili preprodaju raznim konzumentima na području Kantona, čime su počinili krivično djelo iz člana 238. KZ FBiH-a (Neovlaštena proizvodnja i stavljanje u promet opojnih droga, kao i protiv 18 lica koja su navodila druga lica na uživanje opojnih droga, stavila na raspolaganje prostorije radi uživanja opojnih droga ili kod kojih je prilikom pregleda pronađena opojna droga čime su počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).*

PREGLED ODUZETE KOLIČINE OPOJNIH DROGA U MJESECU MAJU 2023./22. GODINE

vrsta opojne droge	MAJ 2023. godine	MAJ 2022. godine
Marihuana (paketići)	22	11
Marihuana (u gramima)	731,311	220,797
Heroin (paketići)	1	---
Heroin (u gramima)	---	4
Amfetamin (paketići)	37	---
Amfetamin (u gramima)	844,526	32,129
Kokain (u gramima)	7,601	---
Kokain (paketići)	1	---
Ecstasy (u tabletama)	63	73
Speed (u gramima)	---	3,525
Speed (paketići)	5	2
Pribor sa ostacima droge i ostalo	26	22

### 1.2.6. PROTIV IMOVINE

U oblasti protiv imovine evidentirana su 174 događaja s obilježjem krivičnog djela (12 više) od kojih je 31 evidentiran po poznatom i 143 po nepoznatom izvršiocu. Iz ove oblasti najbrojniji su:

- teška krađa (član 287. KZ FBiH) – 81 (deset više),
- krađa (član 286. KZ FBiH) – 47 (devet manje),
- oštećenje tuđe stvari (član 293. KZ FBiH) – 13 (četiri manje),
- utaja (član 290. KZ FBiH) – osam (dva više),
- razbojništvo (član 289. KZ FBiH) – šest (dva manje),
- prevara (član 294. KZ FBiH) – četiri (jedan više), itd.

Nadležnom tužilaštvu podneseni su službeni izvještaji protiv 60 lica, od kojih 44 povratnika (ili 73,3%), a 19 lica je lišeno slobode.

Od ukupno 143 događaja evidentirana po nepoznatom izvršiocu iz oblasti protiv imovine **naknadno je rasvijetljeno 57 događaja ili 39,9%** (18 iz izvještajnog mjeseca i 39 iz ranijeg perioda) što je za 13,7% više u odnosu na maj 2022. godine.

Prema objektima izvršenja teških krađa, 34 su izvršene u stambene objekte (tri više), 24 u poslovne prostorije (šest više), 11 u motorna vozila – otuđenja motornih vozila i “provale” u ista (četiri manje), na ulici – pet (jedna manje), itd.

U maju su na području Kantona Sarajevo otuđena dva motorna vozila (dva ili 50% manje u odnosu na uporedni mjesec). Također, dva motorna vozila su pronađena i vraćena od strane policijskih službenika Uprave policije MUP-a KS (jedno vozilo je otuđeno u ranijem periodu).

Evidentirano je 47 događaja s obilježjem krivičnog djela krađe (devet manje) i to: na ulici – 22 puta, u poslovnim prostorijama – 11, u stambenim objektima - devet, vozilima i stajalištima GRAS-a – dva. Otuđivani su novčanici, nakit, prehrambeni proizvodi, mobiteli, bicikla, kozmetika, itd.

Evidentirano je šest događaja s obilježjem krivičnog djela teških krađa na naročito opasan ili naročito drzak način (isto kao u uporednom mjesecu), u kojima su izvršiocu, upotrebom fizičke snage – četiri puta i verbalnom prijetnjom u dva slučaja, otimali nakit i tašne, i to: na ulici pet puta i u stambenom objektu - jednom. Nadležnom tužilaštvu podneseni su službeni izvještaji protiv dva lica, povratnika u činjenju krivičnih djela, koja su lišena slobode.

U maju ove godine evidentirano je šest događaja s obilježjem krivičnog djela razbojništva (dva manje). Jedan događaj je evidentiran po poznatom, a pet po nepoznatom izvršiocu. Nadležnom tužilaštvu podnesen je službeni izvještaj protiv D.Ž.A. (2001) koji je lišen slobode. Razbojništva su izvršena prijetnjom upotrebe noža ili drugog oštrog predmeta – četiri puta, prijetnjom pištoljem i upotrebom fizičke snage – po jednom, a počinjena su na ulici – tri puta, u prodavnici, tramvaju i u sportskoj kladionici – po jednom. Otuđivani su mobiteli i novac.

#### 1.2.7. PROTIV OPĆE SIGURNOSTI LJUDI I IMOVINE

Iz ove oblasti evidentirano je devet događaja (jedan više) i to: izazivanje opće opasnosti – osam i nesavjesno čuvanje pasa i drugih opasnih životinja – jedan događaj. Nadležnom tužilaštvu podneseni su službeni izvještaji protiv tri lica.

#### 1.2.8. PROTIV JAVNOG REDA I PRAVNOG PROMETA

U ovoj oblasti evidentirano je 13 događaja s obilježjem krivičnog djela (sedam više) i to: nasilničko ponašanje – sedam, krivotvorenje isprave - tri, nedozvoljeno držanje oružja ili eksplozivnih materija – dva i skidanje službenog pečata ili znaka – jedan događaj. Nadležnom tužilaštvu podneseni su službeni izvještaji protiv 13 lica, od kojih je šest povratnika u činjenju krivičnih djela (ili 46,2%).

#### 1.2.9. PROTIV PODMIĆIVANJA I KRIVIČNA DJELA PROTIV SLUŽBENE I DRUGE ODGOVORNE FUNKCIJE

U ovoj oblasti evidentirana su 22 događaja s obilježjem krivičnog djela (19 više) i to: zloupotreba položaja ili ovlaštenja – 15, krivotvorenje službene isprave – tri, pronevjera u službi - dva, davanje dara i drugih oblika koristi i nesavjestan rad u službi – po jedan događaj. Zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 13 lica.

### 1.3. DOGAĐAJI S OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U maju 2023. godine evidentirana su četiri događaja s obilježjem krivičnog djela, u kojima su učestvovala dva maloljetna lica. U odnosu na isti mjesec 2022. godine, smanjen je broj događaja s obilježjem krivičnog djela za jedan ili 20%, a broj maloljetnih lica za tri ili 60%. Prijavljeni maloljetnici su u dobi do 14 godina – jedan i od 16 do 18 godina – jedan maloljetnik. Povratnika u izvršenju događaja s obilježjem krivičnog djela nije bilo.

#### OSNOVNI STATISTIČKI POKAZATELJI O DOGAĐAJIMA S OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MAJU 2023/2022. GODINE

MJESEC	Broj događaja sa obilježjem krivičnog djela	Broj evidentiranih maloljetnih lica
Maj 2023.	4	2
Maj 2022.	5	5
UPOREDBA	-1 ili 20%	-3 ili 60%

#### STRUKTURA DOGAĐAJA S OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MAJU 2023/2022. GODINE

NAZIV KRIVIČNOG DJELA	MAJ 2023.	MAJ 2022.
Teška tjelesna ozljeda	---	2
Laka tjelesna ozljeda	1	---
Razbojništvo	---	1
Teška krađa na naročito opasan ili naročito drzak način	---	1
Izazivanje opće opasnosti	3	1
UKUPNO	4	5

### 1.4. OSTALA PROTIVPRAVNA I ASOCIJALNA PONAŠANJA

#### 1.4.1. AKTIVIRANJE MINSKO-EKSPLOZIVNIH SREDSTAVA

U toku maja 2023. godine na području Kantona Sarajevo nije bilo aktiviranja minsko-eksplozivnih sredstava (u maju 2022. godine evidentirana su tri događaja).

Evidentirano je pet događaja anonimnih dojava o postavljenoj eksplozivnoj napravi, a odnosile su se na Općinski sud Sarajevo, Kantonalni sud Sarajevo, Općinu Stari Grad i osnovne škole „Hasan Kikić” i „Hasan Kaimija”. U odnosu na maj 2022. godine broj evidentiranih događaja o anonimnoj dojadi o postavljenoj eksplozivnoj napravi manji je za 124 (129 u uporednom mjesecu). Nakon KDZ pregleda utvrđeno je da su dojave bile lažne.

#### 1.4.2. POŽARI

Na području Kantona Sarajevo registrovana su četiri požara (10 manje), koji su za posljedicu imali materijalnu štetu. Prema statističkim pokazateljima, tri požara su izazvana namjerno, a jedan zbog tehničkih nedostataka.

#### 1.4.3. SAMOUBISTVA

Registrovana su četiri samoubistva (dva više u odnosu na isti mjesec prethodne godine).

#### 1.4.4. OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je: pet pištolja, tri puške, tri noža, tri predmeta podobna za nanošenje tjelesnih povreda i 48 komada municije različitog kalibra.

## 2. JAVNI RED I MIR

U toku maja 2023. godine u oblasti protiv javnog reda i mira evidentirano je 408 prekršaja (79 ili 24% više), za čije izvršenje je prijavljeno 413 lica (84 ili 25,5% više), od čega je 65 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 327 naloga i podnesena su 44 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnose se 382 prekršaja (ili 93,6%), a na prekršaje koji su utvrđeni odlukom općinskih vijeća o javnom redu i miru 26 (ili 6,4%) prekršaja.

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (187), između 26 i 35 godina (167), između 19 i 25 godina (58) i do 18 godina jedan učinilac.

Prilikom narušavanja javnog reda i mira u mjesecu maju 2023. godine, nije bilo teže povrijeđenih lica (isto kao u maju 2022. godine), dok su četiri lica (jedno manje) lakše povrijeđena.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA MAJ 2023/2022.GODINA

PREKRŠAJI IZ ZAKONA O JRIM:	MAJ 2023.	MAJ 2022.	UPOREDBA	
			+ /-	%
-Tuče	21	12	9	75%
-Naročito drsko ponašanje	33	31	2	6,5%
-Odbijanje naređenja i omalovaž. pol. služb.	24	27	-3	11,1%
-Prosjačenje	87	138	-51	36,9%
-Svađa, vika, nepristojno ponašanje	12	7	5	71,4%
-Uživanje opojne droge na javnom mjestu	42	28	14	50%
-Neovlaštena upotreba oružja	1	---	1	---
-Paljenje petardi	2	---	2	---
-Ostali prekršaji iz Zakona o JRiM	160	59	101	171,1%
Prekršaji prema Odluci općinskog vijeća o JRiM	26	27	-1	3,7%
UKUPNO	408	329	79	24%

Prema mjestu izvršenja, najveći broj prekršaja evidentiran je na ulici i na drugim otvorenim prostorima 360 (88,2% od ukupnog broja), a znatno manje u ugostiteljskim objektima 31 (7,6%), na ostalim mjestima 14 (3,4%), u školama i školskim dvorištima dva (0,5%) i na sportskim stadionima i dvoranama jedan prekršaj (0,2%).

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA  
ZA MAJ 2023/2022. GODINE

MJESTO IZVRŠENJA	MAJ 2023.	MAJ 2022.	UPOREDBA	
			+ /-	%
Ugostiteljski objekti	31	1	30	3000%
Ulice i drugi otvoreni prostori	360	314	46	14,6%
Vozila javnog saobraćaja	---	---	---	---
Sportski stadioni i dvorane	1	---	1	---
Škole i školska dvorišta	2	---	2	---
Trgovine i zanatske radnje	---	2	-2	---
Ostala mjesta	14	12	2	16,7%
<b>UKUPNO</b>	<b>408</b>	<b>329</b>	<b>79</b>	<b>24%</b>

Na području Kantona Sarajevo u maju 2023. godine održano je 395 javnih skupova (29 ili 7,9% više). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 58 slučajeva izvršeno je KDZ osiguranje.

### 3. SAOBRAĆAJ

Na području Kantona Sarajevo u maju 2023. godine registrovane su 834 saobraćajne nezgode (243 ili 41,1 % više), od čega je 740 s materijalnom štetom (238 ili 47,4 % više) i 94 s nastradalim licima (pet ili 5,6 % više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MAJU 2023/22. GODINE

	maj 2023.	maj 2022.	uporedba
<b>UKUPNO SAOBRAĆAJNIH NEZGODA</b>	834	591	+ 243 ili 41,1 %
Saobraćajne nezgode sa nastradalim licima	94	89	+ 5 ili 5,6 %
Saobraćajne nezgode sa materijalnom štetom	740	502	+ 238 ili 47,4 %
<b>POGINULO LICA</b>	3	1	+ 2 ili 200 %
- vozači	2	1	+ 1 ili 100 %
-putnici	0	0	-----
- pješaci	1	0	+ 1
<b>POVRIJEDENO LICA</b>	120	111	+ 9 ili 8,1 %
- vozači	67	59	+ 8 ili 13,5 %
- putnici	33	26	+ 7 ili 26,9 %
- pješaci	20	26	- 6 ili 23,1 %

U naselju su registrovane 783 saobraćajne nezgode (tri s poginulim, 77 s povrijeđenim licima i 703 s materijalnom štetom), van naselja 51 nezgoda (14 s povrijeđenim licima i 37 s materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MAJU 2023. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	3	10	67	703	<b>783</b>	3	13	90
van naselja			14	37	<b>51</b>			17
<b>UKUPNO</b>	<b>3</b>	<b>10</b>	<b>81</b>	<b>740</b>	<b>834</b>	<b>3</b>	<b>13</b>	<b>107</b>



Prema kategoriji puta, najveći broj saobraćajnih nezgoda registrovan je na ulicama u naselju (530), na magistralnim putevima (99), na lokalnim putevima (85), na regionalnim putevima (35), te na putevima koji se ubrajaju u kategoriju ostalih (85).

### 3.1. POSLJEDICE SAOBRAĆAJNIH NEZGODA

Tokom maja 2023. godine, u saobraćajnim nezgodama na području Kantona Sarajevo 123 osobe su nastradale (11 ili 9,8% više). Tri osobe su poginule (dvije ili 200% više), dok je 120 osoba povrijeđeno (devet ili 8,1% više), od čega 13 teže (isto kao prošle godine) i 107 lakše (devet ili 9,2 % više).

Od ukupno 120 povrijeđenih osoba, evidentirano je: 67 vozača (četiri teže i 63 lakše), 33 putnika (tri teže i 30 lakše) i 20 pješaka (šest teže i 14 lakše).

#### **Starosna struktura nastradalih lica u saobraćajnim nezgodama:**

- od 10 do 14 godina - dva lica,
- od 15 do 20 godina - 20,
- od 21 do 24 godine - 15,
- od 25 do 30 godina - 23,
- od 31 do 40 godina - 20,
- od 41 do 50 godina - 25,
- od 51 do 65 godina - 11,
- 66 i više godina - pet,
- nepoznata starosna dob - dva lica.

#### **Starosna struktura nastradalih vozača u saobraćajnim nezgodama:**

- od 18 do 23 godine - 11 lica,
- od 23 do 30 godina - 22,
- od 30 do 40 godina - 13,
- od 40 do 50 godina - 15,
- od 50 do 60 godina - pet,
- 60 i više godina - tri lica.

### 3.3. UZROCI SAOBRAĆAJNIH NEZGODA

- neprilagođena brzina - 111,
- nepropisno izvođenje radnji u saobraćaju - 35,
- nedržanje potrebnog odstojanja - sedam,
- uticaj alkohola - pet,
- negiranje prava prvenstva - tri,
- kretanje vozilom unazad na kratkom dijelu puta - dva,
- prolazak kroz crveno svjetlo - jednom,
- ostali uzroci - 670 nezgoda.

### 3.4. AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom maja, policijski službenici Uprave policije MUP-a Kantona Sarajevo kontrolisali su:  
-15.420 vozila i vozača (325 više),  
-7.234 lica u vozilima (447 manje),  
-pregledali 376 vozila (60 manje) i 218 lica u vozilima (78 manje).

Zbog tehničke neispravnosti iz saobraćaja je isključeno 25 vozila (10 manje), 226 vozača je zatečeno da upravljaju vozilom pod dejstvom alkohola (74 manje), 390 lica bez korištenja sigurnosnog pojasa (94 više), 153 vozača bez položenog vozačkog ispita (22 više), 48 vozača pod izrečenom zaštitnom mjerom (pet više), 425 vozača je zatečeno da koriste mobitel tokom vožnje (77 više) i 1.450 vozila koja su učestvovala u saobraćaju bez važeće registracije (1.222 više).

Zbog kršenja propisa iz oblasti sigurnosti saobraćaja uručeno je 17.285 prekršajnih naloga vozačima (3.114 ili 22 % više) i podneseno 209 zahtjeva za pokretanje prekršajnog postupka (49 ili 19% manje).

Zbog neprilagođene brzine i prekoračenja dozvoljene brzine kretanja vozila, izrečene su 5.373 prekršajne sankcije vozačima.

Policijski službenici Uprave policije organizovali su akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

### 3.5. MIRUJUĆI SAOBRAĆAJ I KONTROLA PJEŠAKA

Vozačima koji su vozila nedozvoljeno parkirali na javnim površinama, uručeno je 7.026 prekršajnih naloga (618 manje), upozorena su 192 vozača (jedan više), a specijalnim vozilom "pauk" premještene su 164 vozila (77 više). Pješacima koji su kršili propise uručena su 164 prekršajna naloga (69 više), a upozoreno je 17 pješaka (osam više).

## 4. ZAKONITOST U RADU

Tokom maja 2023. godine, nisu registrovani napadi na policijske službenike Uprave policije MUP-a Kantona Sarajevo.

Zaprimljeno je 15 predstavki na rad policijskih službenika, od čega je 14 zaprimljeno od strane građana i jedna koja se odnosila na saznanje iz službe. Odbor za žalbe javnosti Skupštine Kantona Sarajevo razmatrao je 14 predstavki i donio zaključak da se za tri predstavke provede unutrašnja istraga, a da se za 11 predstavki izvrše provjere i prikupi dokumentacija.

Okončano je šest unutrašnjih istraga, od čega je Odbor donio zaključak da je u jednom slučaju istraga osnovana, u jednom neosnovana, u dva slučaja nije bilo dovoljno dokaza, u jednom slučaju stranka je odustala od predstavke, dok je jedan postupak obustavljen.

## 5. RAD POLICIJE U ZAJEDNICI

U okviru Rada policije u zajednici, tokom maja 2023. godine preduzimane su aktivnosti u cilju uspostavljanja saradnje s građanima, mjesnim zajednicama, predstavnicima vjerskih zajednica, različitim udruženjima građana i nevladinim organizacijama.

Policijci u zajednici su svakodnevno na terenu, kroz proaktivno djelovanje i kontakte s građanima, osobljem javnih ustanova, nevladinih i drugih organizacija, osiguravali stvaranje povoljnijeg ambijenta za život svih kategorija stanovništva.

Za učenike osnovnih i srednjih škola na području Kantona Sarajevo održane su 34 edukativne radionice:

- „Djeca u saobraćaju“,
- „Stop vršnjačkom nasilju“,
- „Cyberbullying“,
- „Oružje ne štiti, oružje ubija“,

- „Borba protiv trgovine ljudima“,
- „Stop drogama“,
- „Lopov uvijek bude otkriven“,
- „Policajac moj prijatelj“,
- „Prevenција maloljetničkog prijestupništva“.

Navedenim edukacijama prisustvovalo je 1.385 učenika osnovnih i srednjih škola.

Takođe, u okviru rada policije u zajednici realizovane su i sljedeće aktivnosti:

- Održane su tri edukativne radionice za roditelje djece koja pohađaju osnovnu školu na području Kantona Sarajeva, kako bi se prevenirala neželjena i društveno opasna ponašanja djece,
- Na području općine Ilijaš, policajci u zajednici su učestvovali na Sportskim igrama mladih „Igre su zakon“,
- Organizovan je pojačan obilazak autobuskih, tramvajskih i trolejbuskih stajališta, s ciljem prevencije izvršenja krivičnih djela i narušavanja javnog reda i mira,
- Ostvarivani kontakti sa sekretarima i članovima Savjeta mjesnih zajednica, u cilju unapređenja osjećaja sigurnosti i jačanja povjerenja građana u rad policije,
- Policajci u zajednici Uprave policije MUP-a Kantona Sarajevo su vodili evidenciju za poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici, vršili obilazak i ostvarivali kontakt sa žrtvama nasilja kao i sa nasilnikom, da bi osigurali poštivanje izrečenih zaštitnih mjera, veći stepen sigurnosti žrtve kao i preventivno djelovanje na eventualno ponavljanje nasilja,
- Ostvarivani kontakti sa predstavnicima osnovnih i srednjih škola u Kantonu Sarajevo, s ciljem preventivnog djelovanja na različite neprihvatljive pojave u i oko školskih prostora, itd.

## 6. MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 752 migranata (443 ili 37,1% manje).

U maju nije bilo evidentiranih događaja s obilježjem krivičnog djela u kojima su učestvovali migranti, a službenici policije su kontrolisali osam migranta.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC MAJ 2023. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	752
UKUPAN BROJ KONTROLISANIH MIGRANATA	8
BROJ MIGRANATA LIŠENIH SLOBODE	0
BROJ KRIVIČNIH DJELA POČINJENIH OD STRANE MIGRANATA	0
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	0
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	0
BROJ MIGRANATA PREDATI U IMIGRACIONI CENTAR ILI SLUŽBI ZA POSLOVE SA STRANCIMA	0